

Q. F. F. Q. S.

DISSERTATIO ACADEMICA,

De

# ATTRIBUTIS LEGIS NATURALIS;

Cujus

PARTEM PRIOREM,

*Adprobante Ampliss. Facult. Philosophica in  
Illustri Academia Aboensi,*

Sub PRÆSIDIO

# HENRICI HASSEL,

Eloq. Prof. Reg. & Ord.

Philosoph. h. t. DECANI,

*Publicæ censure modeste submitit*

# CAROLUS NYBOHM,

*SUDERMANNIS.*

Die 8 Novembr. An. MDCCLXX.

Loco horisqve convetis.

---

ABOÆ, exc. Joh. Kiæmpe, R. Ac. Typ.

S:æ R:æ M:tis  
MAGNAE FIDEI VIRO,  
Reverendissimo  
PATRI ac DOMINO,

# DN. DANIELI LUNDIO,

S. S. Theol. DOCTORI Celeberrimo, Inclutæ Diœcesi. Strengnesensis EPISCOPO, Max. Ven. Confisi. PRÆSIDI, Gymnasi. Scholarumqve EPHORO Eminentissimo, Adcuratissimo,  
**MÆCENATI MAXIMO.**

VIRO Nobilissimo

# DN. JACOBO

DOMINO de Hammarby, Brös-  
PATRONO

*In animi pii gratissimique signum, leti-  
cione et genere Vestræ felicitate, ea quæ par-*

Cliens & cul-  
CAROLUS

S:æ R:æ M:tis  
MAGNÆ FIDEI VIRO,  
Generosissimo atque Nobilissimo  
DOMINO,

D<sub>N</sub>. GABRIELI  
von SETH,

Regii Regniqve Sveciæ Collegii  
Militaris CONSILIARIO  
Amplissimo, Aqvissimo,

MÆCENATI SUMMO.

atque Amplissimo,

MOHLMAN,

torp, Ekeby, Norrby, &c  
MAGNO.

denses has paginas, cunq calidissimo voto pro  
est reverentia offero, consecro

tor humillimus  
NYBOHM.

Admodum Reverendo atque Praeclarissimo  
VIRO,  
Mag. ANDREÆ  
NYBOHM,  
PASTORI & PRÆPOSITO Thors-  
hellenium meritissimo,  
Parenti Carissimo.

**D**iu satis, Pater Optime, exopta-  
sti diem, quo specimen quoddam stu-  
diorum publice ederem: desiderio quomodo  
in presenti satisfecerim Tuo, Iste judi-  
cabis. Offerentis tamen animum non mu-  
neris nitorem, qui plane nullus est, ut  
respicias, & ne vos paterno obtegas velo-  
enixe rogo obtestorque. Deus, cui placuit  
Te annosa beare senectute, valetudinem  
etiam firmet, ut Ecclesia fructum & pro-  
les gaudium atque commodum sentiant ma-  
ximum!

Optimi & Amantissimi Patris

obseruantissimus filius  
**CAROLUS NYBOHM.**

S. I.

**T**Anquam pro aris & focis nonnulli deterioris indolis homunciones dimicarunt, ut Legem Naturalem prosciberent. Hunc vero errorem viri eruditissimi dudum ita expulerunt, ut aliquid addere velle supervacaneum sit. Existentiam igitur Legis N. ut firmis munitam argumentis supponimus, vires nostras qualescunque in Legis ejusdem attributis delineandis pericitaturi. Qvorum praecipua sunt: Universitas, Evidentia, Immutabilitas & Indispensabilitas. Dum autem, Divina adfulgente gratia, haec adumbrare conamur, favorem B. L. &

A

cen-

censuram mitiorem nobis experio-  
mus.

### S. II.

**A**D ipsam argumenti tractationem statim vertentes animum, sta-  
tuere nulli dubitamus: Legem Na-  
turalem esse universalem, i. e. o-  
mnium temporum ac locorum o-  
mnes homines qva tales, ratione u-  
gentes, cujuscunqve sint status, vel  
conditionis, eadem Lege N. ad fa-  
cienda, qvæ perfectionem sui con-  
cernant, & omittenda contraria,  
adstringi. Veritatem theses, uni-  
cuique quamvis integrum sit diver-  
simode adstruere; nobis tamen can-  
dem ex Imperio Dei & Narura  
humana deducere sufficit.

### S. III.

**S**ummo Numinis imperium in ge-  
nus humanum competere, o-  
mnes, qvibus sana mens est, faci-  
le agnoscunt; qvod saniiores etiam  
gentiles agnoverunt. Fundamentum  
vero imperii demonstrare, res al-  
tioris est indagationis. Hobbe-  
lius

3

ius illud a sola potentia Dei irresistibili derivat. Verum quo animo iis, qui per solam potentiam physicam, si aliae non adsint justæ causæ imperandi, obsequium postulant, morem geramus? Imperium quoque esse metiri imperium Dei omne ex sola ejus potentia nemo non vider. Hoc ipso amor omnis tolleretur, cultus vero ac timor mere servilis extorqueretur. Alii autem, in primis reformatæ ecclesiæ addicti, & inter eos Moses Amyraldus, imperium, ex sola  $\tau\zeta\omega\chi\eta$  seu excellentia naturæ Divinæ, deducendum esse rati sunt, ut facilius figmentum suum de absoluta reprobatione, palliare queant. Nos ad saniorum partes accedimus, qui duo tantum ad legitimum imperium reqviri monent: causam nimirum justam, & facultatem cogendi reluctant. Qvod negotium inter alios egregie conficit Celeberrimus Lemann (a): im-

A s perans

(a) In Diff. præm. ad offic. Puf.

4  
"perans, inquit, est, qui in aliud  
"aut alios legitimum imperium ex-  
"ercet, De eo vero hoc demum di-  
"ci potest, qui justas imperii caus-  
"as habet & vires inobseqventes  
"ad officium reducendi. Duæ au-  
"tem præcipue sunt justæ cauſæ;  
"hominum consensus voluntarius  
"et quod quis ab alio plane depen-  
"deat; ille imperii humani, hoc  
"Divini cauſa justa est. Deum i-  
"taque vires habere reluctantes ad  
"officium redigendi non inficias  
"ibit, qui cum cognovit esse omnini  
"potentem. Justam imperii cauſam  
"habere ex eo, quod penitus a Deo  
"dependamus, discimus luculen-  
"ter. Ab imperio igitur Dei, quod  
hoc fundamento tanquam genuino  
nititur, neminem unquam mortali-  
um excludi, æterna est veritas me-  
ridiano jubare clarior. Hinc seqvi-  
tar, singula individua consideran-  
da esse ut membra reipublicæ ma-  
gnæ, quæ suo ambitu totum com-  
pletitur genus humanum; cuius  
ha-

habenas Rex regum Deus O. M.  
solus tenet.

§. IV.

**N**otum præterea est duo tantum  
reqviri, ut qvis Legē qvadām  
obstringatur: primo, ut ab impe-  
rio superioris non sit i&mmunis; de-  
inde ut voluntatis & intellectus sit  
compos (b). Has facultates uni po-  
tius qvam alteri denegare impli-  
cat. Ratio est, qvia eadem specie  
omnibus est & singulis anima. Re-  
stat igitur, ut, qvemadmodum qvi-  
vis subditorum Legem agnoscere  
potest, ita etiam ad hoc oblige-  
tur, donec peculiare suum demon-  
straverit privilegium, qvod non fa-  
cile inveniet; siqvidem absurdita-  
tem sapit, imperatorem & subdi-  
tum qvempiam sine lege concipe-  
re. Imperantis itaqve Potentissimi  
voluntas in Legē nostra patefacta,  
unicuiqve subditorum norma esse  
debet

(b) Confer. Bud. Th. Mor. p. 2. C.  
L. §. 21. & Puf. d. J. N. G. L. I.  
C. 6, §. 6.

debet, qva in officio teneantur, moribusqve bonis advelcant. Atqve ad salutem tam communem, qvam privatam maximac refert, omnibus & singulis individuis injungere qvid licitum, qvid illicitum, qvid faciendum, qvidve omissendum sit; ita ut civibus obsequii gloria tantum superfit. Nec simul stare possunt facultas imperandi & licentia resistendi. Inter rem publicam maximam & particularem seu civilem compensationem qvandam lubet instituere. Qvisnam, qvaeſo, civis misericordie societatis, summum agnoscens imperantem, se nullis stringi Legibus obtenderet? nisi experientia & omni æquitati in animum sibi induxit repugnare, cuius temeritatis pœnam demum daturus esset, quando Legem violans, neminem stultitiae suæ inveniret fautorem. Idem in societate communi contingere necesse est largiaris, nisi manifestæ injuriæ arguere velis Deum,

qui partem civium Lege stringeret, alteram vero in quævis sceleris fœdissima impune & libere ruere sineret. Sic unus alterum devoraret, atque status humanus ferili omni deterior evaderet. Repugnantes igitur in suis deliriis sibi placeant; idcirco tamen nemo unquam vere negare potest, quin præceptum hoc Legis N. generalissimum, *Deum cole*, sit iustum Rectoris Opt. & Potentissimi, obligationem perfectam ab omnis ævi omnibus hominibus reqvirens. Atque idem de cæteris Juris Naturalis præceptis dictum esto.

### §. V.

Properamus ad alterum argumentum, pro stabilienda Legis N. universalitate, quod à natura humana deducendum duximus. Naturam humanam jam consideramus, nullo habito respectu vel ad statum integrum vel corruptum; adeoque simpliciter quatenus est rationalis. Vi autem rationis quivis intelligit quid

qvid ad conservationem qvidque  
ad destructionem sui faciat. Le-  
gem hæc vetare illa injungere in  
aprico est : ita namque condita  
est natura hominis , ut eidem a-  
ctiones Lege N. a Summo Legisla-  
tore præceptæ necessario conveni-  
ant, interdictæ vero repugnant, sic  
qvidem ut mutua continuo interce-  
dat relatio inter naturam & Legem,  
atqve ex continua ea ejus observa-  
tione salus generis humani emer-  
gat , neglectu autem damnum sen-  
tiatur maximum. Hinc colligere  
licet : Hæc actio Lege N. præcipi-  
tur , qvia naturæ nostræ convenit ,  
illa vero prohibetur , qvia eidem  
minime conductit. Clare igitur e-  
lucescit , qvandoqvidem arctissime  
conjunctæ sint Legis N. observatio ,  
& unius cujusqve naturæ conserva-  
tio , Legem eandem esse communem  
illam normam , ad qvam qvilibet ,  
qvatenus suæ felicitatis est cupidus ,  
actiones omnes componere debeat.

¶ Orro, cum nec per sapientiam Numinis fieri possit, ut quis frustra sibi concessam habeat naturam justi honestique capacem; nec per sanctitatem & justitiam, ut impune & pro libitu absqve ullo fræno per omne fas & nefas in quævis scelera ruat; non potest non qvivis mortalium agnoscere Legem aliquam sibi etiam positam, qvæ ab illo requirat, ut naturæ suæ convenientem degat vitam, in omnibus factis, dictis atque cogitationibus sectando honestatem & justitiam; contra, qvod turpe, qvod fœdum, qvod denique naturæ repugnat rationali & sociali omni studio ac ardore fugiendo. Qui tam ferreus est, ut his ad assensum sententiae nostræ præbendum permoveri nequeat, suam adeat conscientiam, qvæ veritatem absqve dolo aperiet. Hanc testem obligationis Legis N. habebit fidei incorruptæ, qvæ eum vel tantillum addubitare non sinit. Ergregia sunt qvæ

quæ hac de re habet Poëta (c.)  
Conscia mens ut cnique sua est, ita con-  
cipit intra

Pectora pro falso spemque metumque  
suo.

Hanc accusantem vel absolventem  
neminem non sentire patet; siqui-  
dem unusquisque quatenus homo  
est, i. e. ens rationale, facultate  
gaudet ratioeinandi de actionibus  
suis ad Legem relatis, qui actus i-  
psissimam constituit conscientiam.  
Hanc qui agnoscit, haud dubie Le-  
gem quandam universalem existe-  
re confitebitur. Et qui aliquem fin-  
git exlegem vivere idem facit, ae-  
si diceret illum rationis experientiam  
esse, i. e. quidvis potius quam  
hominem.

### §. VII.

POSTULAT jam ordinis ratio, ut ad  
specialiora descendamus, ubi sta-  
tus innocentiae primum se nobis fi-  
stit considerandum. Licet autem  
ratio sibi relieta nequaquam ad sta-  
tum

rum hunc pertingere queat, neminem tamen existimamus injurias nos accusaturum, ac si falsoem in alienam messiem poneremus, dum tanquam Philosophi Christiani, e sacra pagina edocti de existentia hujus status beatissimi, Legem N. locum ibidem habuisse pronuntiamus. Hac de re non levis seculo proximo superiori dissensio inter Gvil. van der Muelen & Sim. Henr. Musæum prodiit, qvorum hic pro affirmativa, ille pro negativa pugnavit sententia. Acutus vero van per Muelen calamum pro virili, veritas tamen penes Musæum manet, ut ex dicendis patebit.

### S. VIII.

**D**ispositio ipsius Numinis, qva decrevit homines a se condendos Legibus circumscribere, fundata est in sanctissima ejus voluntate & immutabili iustitia: atqve ex hac velut radius resplendet Lex Naturælis; unde dicitur *non tum incepisse cum scripta est, sed tum, cum orta est,*

orta autem simul est cum mente Divina (d). Quatenus enim præcepta Legis N. idealiter considerantur, prout scilicet in mente Divina fuerunt, non est quod dubitemus, quin ante omne temporis initium existiterint, licet realiter & actu ipso rerum tantum initiis sint coœva; nam proprie loquendo Lex sine obligatione, obligatio sine subditto concipi nequit. Condito autem homine confessus rerum Arbitr Opt. Legem N. eidem tradidit, patetfecit, immo menti indidit & quasi insculpsit, ut ad eam actiones suas componeret. Creavit enim Deus hominem integrum; adeoque in intellectu perfectissima fuit cognitio voluntatis Dei ejusque beneficiorum, ut inde colligere potuerit se totum ab eo pendere, atque omnia quæ habuit ei unice debere. Nonne fuisset ingratissimus, si confiteretur se haud obligatum esse ejus voluntati patere? Qvod cogit.

(d) Cic, L. 2. de legg.

cogitare quum absurdum sit, & integrati maxime repugnans, alterum ex opposito statuere veritati congruum. Nec est quod aliquis nobis occinnat: Adamum & Eam, nec non posteros eorum, si integritate, quia ornati erant, sc indignos non reddidissent, ita sponte sua nutui Divino obtemperaturos fuisse, ut Lex fuisse supervacua. A spontaneitate enim ad immunitatem a Lege non valeat argumentatio; nisi sequens ratiocinum recte sese habere adserere velit: Titius & Sempronius sponte sua imperantis voluntati satisfaciunt, v. c. tributa solvunt, honore debito magistratum prosequuntur, ergo Titius & Sempronius ea Legem, quae talia tradit, non obligantur. Qvis non videt absurditatem conclusionis. Hinc igitur illud tantum inferre licet: participes status felicissimi absque vi & coactione honestatis & iustitiae fuisse studiosissimos. Præterea hic monuisse

isse juvat: protoplastos non abso-  
lute perfectos fuisse; quippe gaude-  
bant libertate voluntatis, naturæ  
finitæ convenienter, adeoq; tam  
ad malum quam bonum liberi e-  
rant, cūjus rei horrendum &  
toci humano generi non satis lu-  
gendum fructus prohibiti esus no-  
bis exhibet exemplum. Quid ergo  
impediebat qvominus libertas co-  
rum Lege circumscriberetur? Et sa-  
ne implicat adserere aliquem pos-  
se peccare nulla existēte Lege; si  
qvidem nō auaspia īrī nō avouiat  
Peccatum est illegalitas vel Legis trans-  
gressio (d); sublata igitur Lege tolli-  
tur transgressio Legis. Quid mul-  
tis? Si Lex positiva locum habuit  
in statu innocentiaz, cur nō Natu-  
ralis? qvæ illos determinat actus,  
in qvibus exercendis ipsa se exerce-  
ret imago Divina.

### S. IX.

**S**tatui perfectionis status qvijam ob-  
tinet successit. Eam esse Legis N.  
univer-

(d) I. Job. III, 41

universalitatem, ut in hoc quoque  
statu vim suam exerceat, animus  
non est multis adhuc confirmare.  
Abunde id ipsum praestiterunt vi-  
ri in hoc eruditionis genere claris-  
simi Grotius & Pufendorfius. Mul-  
to minus vacat hæc circa deli-  
tamenta Hobbesii, qui, quo genii af-  
flatu concitatus nescio, profundit:  
in statu naturali constitutis omnem  
actionem esse adiaphoram; quin &  
jus omnium in omnes ibidem fin-  
git, ut ex statu naturali potius  
bellum, quam humanum faciat.  
Si enim sic erimus affecti, ut propter  
suum quisque emolumendum spoliet aut  
violer alterum: disrupti necesse est e-  
am, que maxime est secundum natu-  
ram, humani generis societatem (c).  
Multæ adhuc existant pseudophi-  
losophi de hoc statu commenta,  
qvorum falsitatem, præter aucto-  
res citatos, in aprico posuit Cum-  
berlandus, ad quem, utpote in pri-  
mis acinacem in Hobbesium strin-  
gen.

(c) Cic, L, 3. de off.

gentem, B. L. remittimus. Nos animum paulisper advertimus ad quorundam aulicorum detestabile adulandi studium, quo Principes Legum omnium vinculo solutos esse garriunt. Istiusmodi susurratores susque deque habuisse videntur, Principes licet diadema regium accepterint, non tamen deposuisse humanam naturam; licet habenas imperii civilis moderentur, non tamen imperium Altissimi excusisse; licet demique Legibus non teneantur Civilibus, non tamen immunes esse a Divinis. Urade enim tum meatus iste, unde summi horrores, quibus Principes male sibi consci anguntur? In historia Romana legimus monstrum illud generis humani Neronem, quamvis summus Princeps ac Imperator Legibus humanis solitus fuerit omnibus, vehementissimis tamen conscientiae stimulis vexatum, ut confessus sit se exagitari verberibus furiarum ac tardis ardentibus. En! primus Go-

chorum rex in Italia Theodoricus Veronensis, quem, postquam gladio interimi jussisset Symmachum patricium generumque eius Boëthium consularem, piscis forte adpositi caput, tanquam Symmachi esset, tanto horrore affecit, ut subita morte fit defunctus (f). Unde inquam, terror, unde cruciatus, nisi conscientia admoneret, eos, dum talia commiserint, provocasse iram Altissimi, qui iure suo postulat, ne tale patrarent, quod dictatis rectæ rationis & Legi N. repugnaret. Quale demum foret imperium, si omne jus ac fas a Principe procularetur? In meram sane barbariem & tyrannidem vertetur. Frustranea omnino essent pacta, siquidem tota eorum obligatio a Lege N. est derivanda: frustranea quoque fides, qua quidem exulante, societas hominum cœretur. Accedit præterea ipsam regnantium securitatem ac felicitatem.

B

tertio

(f) Clup. bis. univ. p. m. 372.

tem deberi Legis N. observationi.  
Atque hinc nihil durius a naturæ  
Conditore illis imperari concludi-  
mus, qvam ne ipsi se cum subditis  
pertant, repudiando qvæ ad feli-  
citatem sunt necessaria. Prudentis  
igitur Imperatoris est operam na-  
vare, ut ad Legem Dei vitam &  
actiones instituat, probe expendens  
rationem administrati muneris co-  
ram Illo sibi esse reddendam.

### S. X.

**A**gmen demum athei claudant,  
qvos Hobbesius Legi N. exi-  
mendos esse tradit, nixus sequenti  
argumento: Athei nunquam sub  
regno Dei vel imperio fuerunt, et  
go Legibus ejus non obligantur.  
Minorem hoc argumento firmare  
conatur: Nemini imperium in  
quenquam absqve spontaneo con-  
sensu subjiciendi competit, at athei  
ignerant Deum. E. ad sensum ejus  
imperio nunquam præbere potue-  
runt. Verum respondemus: Pri-  
mum falsissimum est omne impe-  
rium

rium a consensu derivari debere. De imperio humano est qvidem illa assertio quodammodo vera, minime vero de Divino, quod non requirit assensum, sed longe aliis nititur caussis, ut supra demonstravimus. Atque sic everso fundamento, sine ulteriori molitione ipsum ruit ædificium. Deinde gratis affirmatur existentiam Summi Numinis atheos latere. Et licet ignorantiam penes eos locum habere possemus, est tamen illa vincibilis. Præterea oritur quæstio de debito non de facto; quælibet enim ignorantia non tollit obligationem Legis. Sed de re tam clara satis forte est dictum.

### § XI.

Probata sic, ut credimus, universalitate Legis N. ad Evidentiam ejus adserendam nos accingimus. Exstiterunt autem homines, qui evidenciam & certitudinem moralis omnem expugnatim ire conati fuerunt. Contra quos pro-

nuociale audemus : eam esse Legis  
N. saltem generaliorum principi-  
orum evidentiam ac perspicuitatem,  
ut a quovis sanaz mentis & matu-  
ræ ætatis percipi : exhibita vero  
cura diligentiori , conclusiones ex-  
ploratae veritatis inde deduci que-  
ant.

### §. XII.

**L**icea non diffidendum sit men-  
tem humanam , post inductam  
labem , ita misere esse corruptam ,  
ut haud exiguum in judicando de-  
prehendamus imbecillitatem ; quo  
sit , ut non semper & ubique ve-  
rum a falso vel adparenter vero :  
bonum a malo vel adparenter bo-  
no , absque ulla dubitatione ac tie-  
more erroris secernere valcamus ;  
ea tamen gaudent facultate , ut in  
multis verum a falso & bonum  
a malo dignoscere queat , immo-  
ita dignoscere , ut nulla supersit  
ratio dubitandi , qvin vere judica-  
verit . Varias enim mens cognoscit  
res , cogitans inter se confert , at-  
que

que inde novas notiones & con-  
clusiones deducit, ex causis effec-  
tus elicit & contra. Ulterius pro-  
grediendo ex collatione similium  
d. similibus, ex præteritis & præ-  
sentibus de futuris judicat ac tan-  
dem bonum a malo seceruit, qvid-  
que in vita fugiendum aut ado-  
petendum determinat, ut fa-  
cta nostra ad certum referantur fi-  
nem & decenti ordine peragantur.  
In his autem gerendis opus ha-  
bit ratio moderamine quodam &  
norma, ad quam omnem suam  
cognitionem exigere atque exami-  
nare debet, ut inde constet, recte  
ne an secus res quascunque perce-  
perit judiciumque de illis tulerit.  
Quomodo autem Lex dirigeret ra-  
tionem nisi agenti constaret? Sal-  
tem hoc admittatur, rationem  
prima & universalia omnis verita-  
tis principia perspicere: alioquin  
enim ratio non esset ratio; si qui-  
dem ratio subjective sumta est fa-  
cultas maxima veritatum universalium  
per-

*perspicendi*, ut verbis utar Celeb.  
Wolfii. Adeoque naturalis functio  
rationis est res percipere, intelli-  
gere, dijudicare, quod usum rati-  
onis appellare solemus. Nisi hoc  
exsequeretur manus, inanis fo-  
ret omnis philosophia, tam theo-  
retica, quam practica; inanes es-  
sent omnes L<sup>e</sup>ges. Breviter: nulla  
daretur Scientia nullaque ars. Qvo-  
niam autem hæc absurdissima sunt,  
sequitur illa certa omnino & in-  
dubitata manere. Propositiones ve-  
ro hæc, seu principia in moralibus,  
ipsam constituunt Legem N. ergo  
est evidens. Quæ ob eandem caus-  
sam omnibus hominibus infixæ di-  
citur, naturaliter impressa atque in-  
sita: non quasi actu ipso distincte  
ab ipsa nativitate animis hominum  
inhæreret; sed potentia propinquæ:  
ea tamen propensione ac facilita-  
te, ut ipsis terminis intellectis,  
confestim sine multa pensatione  
ad sensum præbeat. Quod si hæc fa-  
cultas homini denegaretur, de o-  
mni obligatione actum esset, qui-  
vis

vis enim ignorantiam obtenderet invincibilem; quod omnis culpa negliget Legis in Deum redundaret, qui subditis Leges tulit obscuras. Nec est quod velum ignorantiae in corrupta natura querendas, post nimirum amissam imaginem Divinam: sciendum enim, ut viri docti observarunt, imaginem Divinam quo ad intellectum constitisse in excellentia quadam scientiae. Lex vero N. ut in natura rationali fundamentum habet, ita haec remanente ipsa quoque & ejus cognitio residua est, suamque in regendis actionibus humanis exseruit virtutem.

### §. XIII.

**H**AUD incommodè ab experientia etiam, tam eorum quæ intra nos ipsos, quam quæ extra nos in aliis observamus, evidentiam Legis N. stabiliri contendo. Nam quis in semetipso non deprehendit rationem variis modis sese exserere? Num ergo in moralibus solum hebes? an ibi solum suspendenda est ejus

fa-

facultas intelligendi & judicandi ? an eam hic sterilem esse & inanem, i. e. dicituram vi & facultate discernendi bonum a malo, honestum a turpi, utile ab inutili, existimandum ? Quid? quod a teneris unguisculis mira quadam propensione, etiam nobis invitis, ad affirmationem horum principiorum trahatur. Atque hoc certissimo est indicio propositiones practicas, modo vel exiguam adhibuerimus attentionem, nunquam nos latere.

#### § XIV.

**I**dem experientia in aliis docet. Nonum enim innovuit, gentem, etiam inter foetissimis pollutas vitiis, reperiri, quæ nulla Legis N. tangatur notitia. An non omnes uno quasi ore fatentur: Supremum aliquod Numen esse colendum, licet in cultu enormiter peccetur ? Patent ne haec singulis : neminem esse laudendum ; unicuique suum tribuendum ? Adfirmant egre-

egregia gentilium præcepta, quæ  
eundo per singulis ferme capita,  
Legi nostræ adpositæ respondent;  
ut quilibet in literis, leviter tan-  
tum versatus agnosceret. Ex Cice-  
rone unum adducamus locum quæ-  
rente (g): Quæ natio non comi-“  
tatem, non benignitatem, non“  
gratum animum & beneficium me-“  
morem diligit? quæ superbos, quæ“  
maleficos, quæ crudeltes, quæ in-“  
gratos non aspernatur, non odit?  
Unde hæc habuerunt, num ex re-  
velatione? Negamus, quia genti-  
les, quatenus tales, ea destituun-  
tur. Anne per conversationem cum  
Judæis? Neque hoc adserendum;  
quandoquidem in remotissimis ter-  
rarum partibus perplurimæ dege-  
bant. Cum itaque nec per revo-  
lutionem, nec per conversationem  
eruditæ, honestati nihilominus Le-  
ge N. injunctæ studiorum suorum ad-  
dikerint, utique evidenter solius na-  
turæ ductu perceptibilis restat. Re-  
ponis: multos adeo depravati mo-

(g) L. i. d. LL.

ris

ris reperitos esse, atque etiam num  
reperiiri, qvi actus Legi N. con-  
trarios, non tantum impunitos  
tolerarint sed & adprobarent, uti,  
rapinam, piraticam, autochiriam,  
occisionem parentum & propin-  
qorum aetate confectorum, adulter-  
rium, cetera. Fateor: ast argu-  
mentatio inde ad ignorantiam, vel  
potius obscuritatem Legis N. peti-  
ta facile diluitur. Etenim licenti-  
us istud flagitorum exercitium non  
Legi, sed pravis institutionibus, il-  
lecebris peccandi perversisque mo-  
ribus, qvibus dictamina recte ra-  
tionis consipiuntur, & peccati ex-  
spirat horror, imputandum venit:  
vel, qvod etiam veritati congruum,  
copia, pro dolor! satis testante  
exemplorum, furori contra recla-  
mantem conscientiam in qvævis ru-  
enti facinora atrocissima, adscri-  
bendum. Liceat exemplo rem o-  
mnem confiscere: Qvis propter tur-  
bam delinquentium Legem Civilem  
evidentia sua privare audet?

## § XV.

**R**Estat jam paucis exponamus, cur cognitio Legis N. aliquando sit admodum difficultis, nonnunquam vero nostras omnino vires excedat. Lex N. originaliter & in ordine ad Deum considerata est illud quod vult Deus circa actiones nostras. Hæc voluntas extendit se ad omnes actiones & singulas actionum circumstantias, adeoque minima in illis determinat. Qvis vero mortaliū ejus est acuminis, ut hanc determinationem perspicere. Addo: Voluntas Dei pro objecto hæbet optimum. Quid autem optimum sit, non solum ex relatione ad statum nostrum præsentem verum etiam futurum, & statum aliorum præsentem & futurum dijudicandum est. Hanc vero scientiam arduam & haud raro impossibilem reddit infinita series contingentium, quæ nulla humana perspicacia prævidere potest. Et ardua & cœpissime efficitur applicatione Legis

gis N. per ignorantiam facti & illud ambientium circumstantiarum. Legem enim sine prævia cognitione facti rite applicari non posse notorium est. Sed adeo multa ad propria facta concurrunt, ut nemo illis ubique advertendis sufficiat, quod in alienis eo minus præstari potest, quo magis homo artificium simulandi & dissimulandi calleat. Hæc tamen evidentiam Iuris Naturalis omnem haud quaque destruunt. Nam dantur & ea, quæ manifestam & invenitabilem habent convenientiam cum conservatione humanæ naturæ vel contra, adquaque primo intuitu ut honesta vel turpia se offerunt. Alia ex hisce cœu principiis per legitimas consequentias deducuntur, & sic æque certa ac perspicua evadunt. Difficultas applicandi Legem Naturalem ex obscuritate casuum particularium enata non officit ejus evidentiæ, prout Lex Civilis perspicua esse ideo non desinit, quia factum a judice plene cognosci non potest.